

元和郡縣圖志

附闕卷逸
文攷證

九





元和郡縣圖志

附闕卷逸文攷證

(九)

李孫張
吉星駒
甫衍賢
撰校證

元和郡縣圖志卷第二十九

江南道五

湖南觀察使 潭州 衡州 郴州 永州 連州 道州 邵州

福建觀察使 福州 建州 泉州 漳州 汀州

潭州 長沙 中都督府 開元戶二萬一千八百 元和戶一萬五千四百四十四 鄉六十九

今爲湖南觀察使理所

管州七 潭州 衡州 郴州 永州 連州 道州 邵州

禹貢荊州之域。春秋爲黔中地。楚之南境。秦并天下。分黔中以南之沙鄉爲長沙郡。以統湘川。下言長沙郡地者。皆禹貢荊州之域。楚之南境也。按東方朔記。南郡有萬里沙祠。自湘川至東萊。地可萬里。故曰長沙。漢初以吳芮有功。封長沙王。至景帝。封其子發爲王。因入朝。有詔諸王迭起舞。王但張襄而已。帝怪而問之。對曰。臣國小地狹。不足以回旋。帝悅。益以武陵。桂陽二郡。自漢至晉。並屬荊州。懷帝分荊州湘中諸郡置湘州。南以五嶺爲限。北以洞庭爲界。漢晉以來。亦爲重鎮。今按其俗。雜有夷人名。徭自言先祖有功。免徭役也。隋開皇九年。平陳。改爲潭州。取昭潭爲名也。又置總管府。大業中。罷牧。置都尉府。三年。罷長沙

郡。武德四年。又置潭州總管府。七年。改爲都督府。

州境。東一千六十里。南五百七十五里。

八到。西北至上都二千四百八十五里。西至東都二千一百八十五里。

正南。微東至衡州四百六十里。北至岳州水路五百五十里。

東南。至袁州五百二十五里。西北至朗州四百里。

東至洪州九百八十里。

貢賦。開元貢。葛布十五疋。元和貢。絲布十五疋。

管縣六。長沙。醴陵。瀏陽。湘鄉。湘潭。益陽。

長沙縣。郭下。本漢臨湘縣。屬長沙國。隋改爲長沙縣。屬潭州。

嶽麓山在縣西南。隔湘江水六里。蓋衡山之足也。故以麓爲名。

雲母山在縣北九十里。列女傳。長沙雲母。服之不朽也。

銅山在縣北百里。楚鑄銅處。

昭山在縣南七十里。臨湘水下。有旋潭。甚深無底。州之得名。因此也。

湘水南自衡山縣界流入於岳州湘陰縣界。

故尉城在縣西北七十里。孫權以程普爲長沙縣西部都尉，以防關羽，因此立城。故陶關在縣西南五里。晉杜弢據湘州反，陶侃討之，因置此城。

賈誼宅在縣南四十步。

吳芮墓在縣北四里。

陶侃墓在縣南二十三里。

醴陵縣中下，西北至本漢臨湘縣地。禹貢岷山導江，東別爲沱，又東至於醴，是也。後漢置此縣，屬長沙

郡。吳封顧雍爲長沙侯，而家人不知，是也。隋平陳，省入長沙。武德四年復置。

瀏陽縣中下，西至州本漢長沙縣地。吳置瀏陽，因縣南瀏陽水爲名。隋平陳廢。景龍二年復置。

益陽縣上，東南至州本漢舊縣，屬長沙國。在益水之陽，因名。隋平陳屬潭州。

瀆水一名茱萸江，南自邵州流入，經縣南三十步。縣西有關羽瀨，南對甘甯故壘。昔羽屯兵水北，孫權令魯肅甘甯拒於此水。甯謂肅曰：「羽聞吾咳嗽之聲，必不敢渡。渡則成擒也。」羽夜聞甯處分曰：「與霸聲也。」遂不渡。茱萸江。

益水在縣東南益山，東北流入瀆水。

關羽故壘在縣西一十五里。

湘鄉縣緊北至州二百三十里。本漢湘南縣之湘鄉也。後漢立為縣。屬零陵郡。自吳至陳。並屬衡陽郡。隋省入衡

山縣。武德四年復置。

石魚山。其石色若雲母。開發一重石。若魚形。刻畫燒之作魚膏臭。在縣西十五里。

龍山有鍾乳穴。在縣南二百四十里。

漣水。在縣南四十五里。煮水一石。得鹽五升。

湘潭縣緊北至州一百四里。陸路一百二十里。本漢湘南縣地。吳分立衡陽縣。晉惠帝更名衡山。歷代並屬衡陽郡。隋改

屬潭州。天寶八年改名湘潭。

涓湖。溉良田二百餘頃。縣西七十里。

湘水。經縣理東。

衡州衡陽上。開元戶一萬三千五百一十三。鄉四十四。元和戶一萬八千四十七。

秦屬長沙郡。漢為鄴縣地。吳分長沙之東部為湘東郡。晉以郡屬湘州。隋開皇九年置罷郡為衡州。以衡

山為名。

州境東四百五十九里。南四百九十九里。

八到北至東都二千六百四十九里。北至東都二千六百四十九里。

東北至吉州九百一十里
東南至郴州三百七十里
東南至衡州三百七十里
正南至衡州五百七十里
北至潭州四百六十里
西至邵州一百五十六里
賞賦開元實水銀 扶金 大麻 紵絲

管縣六 衡陽 攸縣 茶陵 耒陽 常甯 衡山

衡陽縣緊郭下本漢鄴縣地吳分置臨蒸縣屬衡山郡天寶初更名衡陽郡縣仍屬焉縣城東傍湘江北背蒸水

岫巖山即衡山也在縣北七十里

湘水西南自永州祁陽界入

蒸水在臨蒸縣北東注於湘謂之蒸口

鄴湖在縣東二十里可釀爲酒晉紀武帝平吳薦鄴酒於太廟是也

蒸陽故城在縣西一百七十里

攸縣州下西南陸路至本漢舊縣武德四年分湘潭縣置以北帶攸溪爲名

茶陵縣州中西南水路至本長沙縣界齊永明七年入湘東郡開元九年爲湘潭縣武德四年置茶陵縣

貞觀九年廢聖歷元年復舊以南臨茶山縣以爲名。

未陽縣上 西北至州 本秦縣因未水在縣東爲名漢屬桂陽郡隋改爲未陰屬衡州後漢蔡倫卽此縣

人有宅基在縣西一里。

雨瀨在故縣西每旱賽之。

常甯縣下 西北至 本秦未縣地吳分未陽置新平縣宋元徽中三洞蠻抄掠州縣遂移就江東因蠻寇

止息遂號新甯卽今理是也東俯潭水西枕宜江天寶二年改名爲常甯。

湘水在縣北六十里。

衡山縣上 西南至州 本漢陰山縣以縣東一百二十里有陰山爲名至梁武天監中分陰山立湘潭縣。

天寶八年改爲衡山。

湘水在縣東。

衡山南嶽也一名岫嶽山在縣西三十里南嶽記曰衡山者朱陵之靈臺太虛之寶洞又云赤帝館其嶺。

祝融託其陽以其宿當翼軫度應機衡故爲名又曰上如車蓋及衡軛之形山高四千一十丈。

衡嶽廟在縣西三十里南嶽記曰南宮四面皆絕人獸莫至周迴天險無得履者漢武帝移於江北置廟。

隋文帝復移於今所。

郴州中

開元戶三萬二千一百七十六
元和戶一萬六千四百三十七

鄉十五

本漢長沙國地。後漢分長沙南境立桂陽。治郴縣。領十一縣。隋平陳。改為郴州。大業中。復為桂陽郡。武德四年。為郴州。

桂陽監在城內。每年鑄錢五萬貫。

州境。東四百九十六里。南三百二十三里。

八到。北至上都三千二百七十五里。北至東都三千一百一十五里。

西至道州五百三十五里。東至慶州一千五百三十五里。

東南至韶州四百一十里。西北至衡州三百七十一里。

貢賦。開元貢。元和貢。絹白紵。白紵。

管縣八。郴縣。義章。義昌。平陽。資興。高亭。臨武。藍山。

郴縣。上郭下。本漢舊縣。項羽徙義帝之所都也。歷代屬郴陽郡。隋屬郴州。

馬嶺山在縣東北五里。昔蘇耽學道於此。得仙。其舊宅在州東半里。俯臨城。餘跡猶存。

石井山在縣東北八十里。有風母獸。既死。張口向風則生。

劉洞在縣西北二十三里。出偃鼠如牛。將為災。乃出猷猷。散落其尾。悉為小鼠。

淥水自郴侯山注來。

程鄉。吳錄云。程鄉出酒。

橫溪水俗謂之貪泉。飲者輒冒於貨財。

郴水出經縣東一里。

溫水在縣北。常溉田。十二月種。明年三月熟。又可一歲三熟。

義帝祠在縣南一里。墓在縣西一里。

義章縣。中下。西北至州一百一十五里。本漢郴縣地。隋末蕭銑分置。屬郴州。武德因而不改。開元二十三年。自縣北移。

於今理。卻據層領。前臨通江。

章水在縣北六十五里。

義昌縣。中下。西北至州三百三十里。本漢郴縣地。至東晉。分置汝城縣。屬桂陽郡。隋改爲扈陽縣。天寶元年。改爲義昌。

平陽縣。上。東至州九十九里。本漢郴縣地。東晉陶侃於今理南置。屬平陽郡。至陳俱廢。隋末蕭銑分置。武德因而

不改。七年省。八年復置。

銀坑在縣南三十里。所出銀至精好。俗謂之僞子銀。別處莫及。亦出銀鑛。供桂陽監鼓鑄。疑黃銀或銅鑛。

資興縣。中下。西至州一百二十里。本漢郴縣地。後漢於此置漢甯縣。吳改曰陽安。晉改爲晉甯。隋省。開皇十一年。

又置。改爲晉興。貞觀廢。咸通三年。又置。改爲資興。南俯耒江北帶長嶺。

高亭縣。中下。南至州九十里。本漢便縣。晉省。陳復置。至隋省入郴縣。隋開皇十三年。宇文融奏割郴縣北界置安

陵縣。安陸水在縣北百步。因以爲名。天寶元年。改爲高亭縣。以縣東一百三十里高亭山爲名。

臨武縣。中下。東北至州二百十三里。本漢舊縣。以南臨武溪水。因以爲名。歷代屬桂陽郡。爲郴州。縣屬不改。

桐柏山在縣西北六十里。

鷄水在縣南。卽桂水也。

藍山縣。中。東北至州三百二十里。本漢南平縣。至隋廢。咸通中。復置於今理。天寶元年。改爲藍山縣。

九疑山在縣西南五十里。

永州。零陵。開元月二萬七千五百九十。元和月八百九十四。鄉四十八。鄉四十五。

秦屬長沙郡。漢爲長沙國。武帝分置零陵郡。領縣十至。宋封晉恭帝爲零陵王。隋文帝開皇九年。平陳。置

永州。因水爲名。大業三年。復爲零陵郡。四年。又置永州。史記。舜葬九疑。卽此也。

州境。東三百三十二里。南五百六十一里。

八到。西北至上都三千一百五十五里。西北至東都二千八百九十五里。

西南至桂陽五百五里。東北至衡州陸路五百七十里。

四至敘州南耶溪山懸險不通無里數
東南至道州水路二百六十里
南至韶州六百里

貢賦 開元貢 細葛 燕石

管縣四 零陵 祁陽 湘源 灌陽

零陵縣上 郭下 本漢泉陵縣地 隋平陳改為零陵縣 自改泉陵 故移於此

湘水經州西十餘里

石室山在縣北一里 呂蒙所築

祁陽縣上 南至州 一百八十里 本漢泉陵縣地 屬零陵郡 吳分泉陵置 武德四年復置於今理 貞觀元年省 四年又置

石燕山在縣西北一百一十里 出石燕充藥

湘水經南三十步

湘源縣上 東北至州 一百三十里 本漢洮陽縣地 至隋改置湘源縣 屬永州

湘水經縣東

灌陽縣中 北至州 三百六十里 本漢零陵縣地 大業末蕭銑析湘源縣置 武德七年廢 下元二年呂誼奏置

灌水在縣西南一百二里。

連州連山 開元戶一萬八百八十七 元和戶五千二百七十七 鄉二十二

秦為長沙郡之南境漢置桂陽郡至陳為桂陽縣隋文帝開皇十年置連州因黃連嶺為名大業初改為

熙平郡武德四年復為連州

州境東西二百四十二里

八到西北至上都三千六百六十五里

東至韶州陸路五百里

東南至封州六百三十里

東至廣州八百九十里 西至賀州捷路二百七十里 取道州桂嶺路三百六十里

貢賦開元貢 元和貢 細布 鍾乳

管縣三 桂陽 陽山 連山

桂陽縣上中 本漢舊縣屬桂陽郡 吳宋齊並屬始興郡 梁陳屬陽山郡 隋屬連州

貞女峽在縣東南一十里

黃連嶺在縣西南一百五十里

陽山縣中下西北至州水一百七十四里。本漢舊縣。為南越置關之邑。故其關在縣西北四十里茂漢口。史記尉佗移

檄陽山關曰盜兵且至。急絕道聚兵自守。今陽山北當騎山嶺路。秦於此立陽山關。漢破南越。以為縣。後

漢省。晉重置。在注水南。梁天監六年。置陽山郡。以縣屬焉。隋開皇十年。屬連州。神龍二年。移於注水北。即

今縣理也。是界諸山各出乳穴。

連山縣中下東至州一百六十里。自漢至齊。為桂陽郡之地。梁武帝分桂陽置廣惠縣。隋開皇十年。改為廣澤。屬連

州。仁壽元年。改為連山。

滑水。今為黃連水。

道州江華中開元戶二萬七千四百四十八。鄉六十。元和戶一萬八千三百三十八。鄉五十一。

秦屬長沙郡。漢屬長沙國。武帝分長沙置零陵郡。吳分零陵置營陽郡。今州是也。以郡在營水之南。因以

為名。隋末陷寇賊。武德四年。平蕭銑。置營州。貞觀八年。改為道州。

州境東四百里南四百九十五里。

八到西北至上都三千四百一十五里。

四西北至東都三千一百五十五里。

南臨嶺至賀州四百四十里。

正南臨嶺至韶州四百二十里。

正東臨嶺至郴州五百三十五里。

貢賦開元貢元和貢細紵

管縣五 宏道 永明 延唐 大歷 江華

宏道縣郭下本漢營浦縣屬零陵郡隋改永陽縣貞觀八年省入營道縣天寶六年改爲宏道縣大陽原在縣南五十步多小斑竹相傳云舜崩之後二妃尋湘水以手拭淚把竹遂成斑也

營水南自江華縣流入

永明縣中東至州一百十里本漢營浦縣隋改爲永陽縣武德四年移於州西南貞觀八年省太后又置天寶元年改爲永明

延唐縣上西至州一百里本漢冷道縣地屬零陵郡漢景帝時零陵文學於冷道舜祠下得玉琯是也至隋自奔巢永口移營道縣於此武德四年移營道於州郭內於此置唐興縣天寶元年改爲延唐縣九疑山在縣東南一百里舜所葬也九山相似行者疑惑故爲名舜廟在山下

冷水今名遲水源出九疑山

春陵故城在縣北五十里長沙定王封中子賈爲春陵侯是也

大歷縣中下西北至州二百二十里本漢營道縣之地大歷二年觀察使韋之晉奏析延唐縣於州東置因年號爲名江華縣中北至州一百十三里本漢馮乘縣地故城在縣南七十里至隋不改武德四年分馮乘縣置江華縣屬營

州八年屬道州

營水出縣東北

淮南王子廟在縣南七十二里荆山記云淮南王被誅其子奔至此城門化為石今名東塘神

邵州邵陽開元戶一萬二千三百二十鄉三十二

秦為長沙郡地漢為昭陵縣屬零陵郡吳分置邵郡今州是也宋齊並為邵陵王國隋開皇十年以邵陵

郡屬潭州隋末陷於寇賊武德四年平蕭銑屬南梁州貞觀十年改為邵州

州境東四風曲一百二十四里

八到北至東都二千八百八十四里

東至衡州三百五十六里

東至衡州三百五十六里

貢賦開元貢黃蠟麻布

管縣二 邵陽 武岡

邵陽縣上本漢昭陵縣屬長沙國後漢改昭陽縣晉武帝改為邵陽在邵水之陽故名

武岡縣上本漢都梁縣地屬零陵郡吳寶鼎元年改為武岡縣因武岡為名一云晉武帝分

都梁縣置。梁天監元年，以太子諱綱故爲武強。武德四年復舊。

都梁山在縣東北一百三十里。

福州。

長樂

中都督府

開元

戶三萬

一千六十七

元和

戶一萬九千四百五十五

鄉六十六

八十一

今爲福建觀察使理所。

管州五 福州 建州 泉州 漳州 汀州

縣二十四

禹貢揚州之域。本閩越。秦并天下，以閩中下郡作三十六郡之數。今州卽閩中郡之地也。漢初又爲閩越國。自越王句踐六世至無疆，爲楚所滅。子孫播遷海上。七世至無諸，從諸侯之師滅秦，率人佐漢。漢五年立無諸爲閩中王。王故地郡又有冶縣。按治卽今台州章安故縣是也。後漢改爲東侯官。吳於此立曲郡。都尉主謫徙之人作船於此。晉置晉安郡，領縣八，屬揚州。南朝以封子弟爲王。梁簡文帝初封晉安王，入爲皇太子。是也。陳廢帝改爲豐州。又爲泉州。因泉山爲名。大業二年改爲閩州。三年改爲建安郡。武德六年改泉州。八年置都督府。景雲二年又改爲閩州。開元十三年改爲福州都督府。因州西北福山爲名。兼置經略使。仍自嶺南道割屬江南東路州境。